



Na osnovu člana 63. Zakona o visokom obrazovanju Hercegovačko-neretvanskog kantona (Službene novine HNK broj: 4/12), članova 201. i 202. Statuta Univerziteta „Džemal Bijedić“ u Mostaru, a u skladu sa članom 20. Pravilnika o radu Univerziteta „Džemal Bijedić“ u Mostaru, članom 19. tačkama 37. i 38. Pravilnika o unutrašnjoj organizaciji i sistematizaciji radnih mjesta na Univerzitetu „Džemal Bijedić“ u Mostaru, a odnoseći se na Odluku Senata Univerziteta broj: 101 -2572/19 od 04.11.2019. godine, Univerzitet „Džemal Bijedić“ u Mostaru objavljuje,

K O N K U R S za (re) izbor u zvanje

I

Raspisuje se konkurs za izbor u zvanje:

- **redovni profesor**(redovno napredovanje) za područje Tehničke nauke, polje Tehničke i interdisciplinarnih tehničkih nauke, grana Tehnička mehanika – 1 izvršilac,
- **redovni profesor** (redovno napredovanje) za područje Društvene nauke, polje Pedagogija, grana Didaktika – 1 izvršilac
- **saradnik** za područje Tehničke nauke, polje Mašinstvo, grana Procesno – energetska mašinstvo-1 izvršilac.

II

1. OPIS POSLOVA:

1.1. NASTAVNIK

- daje prijedlog nastavnog programa predmeta;
- predlaže preispitivanje i usavršavanje nastavnog plana i programa;
- preporučuje dostupne udžbenike i priručnike za nastavni predmet za koji je izabran;
- priprema i izvodi nastavu prema rasporedu nastave, usklađenom s nastavnim planom i prema sadržaju utvrđenom nastavnim programom;
- vodi evidenciju o prisustvu nastavi, obavljenim ispitima i postignutom uspjehu studenata;
- radi sa saradnicima, laborantima i demonstratorima u cilju njihove edukacije i osposobljavanja za izvođenje vježbi;
- obavlja konsultacije sa studentima u svrhu savladavanja nastavnog programa;
- redovno održava ispite za studente prema rasporedu u propisanim ispitnim rokovima;
- podnosi izvještaj o prolaznosti na nastavnom predmetu nakon svakog ispitnog roka;
- predlaže teme i mentor je studentima pri izradi završnog rada, diplomskog rada i doktorske disertacije;
- učestvuje u radu Naučno-nastavnog vijeća, Senata i drugih stručnih organa Univerziteta;
- učestvuje u radu komisija u postupku izrade završnog rada, diplomskog rada i doktorske disertacije;
- učestvuje u radu komisija za pripremanje prijedloga za izbor nastavnika i saradnika;
- učestvuje u radu i drugih komisija na fakultetu i Univerzitetu,
- organizuje i izvodi naučnoistraživački rad;

- obavlja i druge poslove utvrđene Zakonom, kao i poslove po nalogu dekana

1.2. SARADNIK

- priprema i izvodi vježbe pod stručnim nadzorom nastavnika;
- pomaže nastavniku u pripremi naučno-nastavnog procesa;
- obavlja konsultacije sa studentima;
- učestvuje u održavanju ispita u skladu sa nastavnim programom;
- priprema izvještaj o prolaznosti na nastavnom predmetu na kojem je angažovan nakon svakog ispitnog termina;
- radi na sopstvenom stručnom usavršavanju radi pripremanja za samostalan naučnoistraživački rad u svrhu sticanja višeg naučnog stepena;
- učestvuje u radu komisija i stručnih organa fakulteta po pozivu;
- obavlja i druge poslove utvrđene Zakonom, kao i druge poslove po nalogu dekana.

III

2. Kandidati pored općih uvjeta propisanih članom 8. Pravilnika o radu Univerziteta, potrebno je da ispunjavaju posebne uslove konkursa:

2.1. . Minimalni uslovi za izbor nastavnika u zvanje **redovnog profesora su:**

- završen stepen trećeg ciklusa/doktorat nauka iz odgovarajuće naučne oblasti;
- proveden najmanje 1 (jedan) izborni period u zvanju vanrednog profesora iz odgovarajuće naučne oblasti; najmanje 2 (dvije) objavljene knjige i najmanje 8 (osam) naučnih radova objavljenih u priznatim publikacijama, iz odgovarajuće naučne oblasti, sve nakon izbora u zvanje vanrednog profesora, te
- uspješno mentorstvo kandidatu za stepen drugog i trećeg ciklusa, računajući od dana prihvatanja Izvještaja o pozitivnoj ocjeni diplomskog rada i doktorske disertacije.

2.2. Uslov za izbor saradnika u zvanje **višeg asistenta je:**

- završen stepen drugog ciklusa studija (magisterij) iz odgovarajuće naučne oblasti
- ostvarena najniža prosječna ocjena u toku studija na prvom ciklusu 8(osam) ili 3,5, (triipo)
- ostvarena najniža prosječna ocjena u toku studija na drugom ciklusu 8 (osam) ili 3,5 (triipo)

2.3. Uslovi za izbor saradnika u zvanje **asistenta:**

- završen odgovarajući univerzitetski studij sa najmanje 240 ECTS bodova;
- ostvarena najniža prosječna ocjena u toku studija 8 (osam) ili 3,5 (triipo).

2.4. Za izbore u sva akademska zvanja obavezan uslov je **poznavanje jednog stranog jezika, što se verifikuje kada se asistenti, viši asistenti i nastavnici prvi put biraju na Univerzitetu.**

IV

DOKAZI

Kandidati uz potpisanu prijavu na konkurs dužni su dostaviti **DOKAZE O ISPUNJAVANJU POSEBNIH USLOVA KONKURSA:**

Za poziciju 2.1. (redovni profesor)

1. Biografiju (CV)
2. Ovjereni kopija diplome o naučnom stepenu doktora nauka iz odgovarajuće naučne oblasti;
3. Dokaz o izboru u zvanje vanrednog iz odgovarajuće naučne oblasti – najmanje jedan izborni period;
4. Objavljene knjige;
5. Popis naučnih radova iz odgovarajuće naučne oblasti sa kopijama radova iz objavljenih publikacija;
6. Dokaz o uspješno obavljenom mentorstvu kandidatu za stepene drugog i trećeg ciklusa;
7. Dokaz o poznavanju jednog stranog jezika.

Dokument pod rednim brojem 7 ne dostavljaju kandidati koji napreduju u izbor u zvanje (zaposlenici ili spoljni saradnici Univerziteta „Džemal Bijedić“ u Mostaru).

Za poziciju 2.2. (viši asistent)

1. Biografiju (CV);
2. Ovjereni kopija diplome o naučnom stepenu magistra nauka ili mastera iz odgovarajuće naučne oblasti
3. Potvrda o prosjeku ocjena za I i za II ciklus ili uvjerenje o položenim ispitima za I i za II ciklus
4. Dokaz o poznavanju jednog stranog jezika.

Dokument pod rednim brojem 4 ne dostavljaju kandidati koji napreduju u izbor u zvanje (zaposlenici ili spoljni saradnici Univerziteta „Džemal Bijedić“ u Mostaru).

Za poziciju 2.3. (asistent)

1. Biografiju (CV);
2. VSS VII stepen, završen fakultet ili diploma Bolonjskog sistema studiranja sa najmanje 240 ECTS bodova
3. Uvjerenje o položenim ispitima ili potvrda fakulteta o prosječnoj ocjeni u toku studija
4. Dokaz o poznavanju jednog stranog jezika.

DOKAZE O ISPUNJAVANJU OPĆIH USLOVA KONKURSA dužan je dostaviti izabrani kandidat nakon konačnosti Odluke o izboru u zvanje, u roku od 5 (pet) dana, a prije zaključenja Ugovora.

Pored navedenog kandidati mogu priložiti i dokumente o poznavanju rada na računaru, podatke o nagradama i priznanjima kao i druge dokumente relevantne za izbor.

Sa kandidatom se zaključuje Ugovor u skladu sa Odlukom o izboru u zvanje na period na koji je kandidat izabran.

V

Potpisane prijave sa dokazima o ispunjavanju uslova konkursa se dostavljaju neposredno ili putem pošte u zatvorenoj koverti, na adresu:

**UNIVERZITET „DŽEMAL BIJEDIĆ“ U MOSTARU
SJEVERNI LOGOR B.B. , 88 104 MOSTAR**

NA KOVERTI JE POTREBNO NAZNAČITI:

(Prijava na konkurs za izbor nastavnika ili saradnika u zvanje i pozicije na koju se konkuriše - NE OTVARATI).

Na poleđini koverta treba biti naznačeno: ime i prezime kandidata, adresa i kontakt telefon.

Nepotpune i neblagovremene prijave, kao i kopije tražene dokumentacije koje nisu ovjerene, neće se uzeti u razmatranje.

Javni konkurs ostaje otvoren **15 dana** od dana objavljivanja u dnevnom listu "Dnevni avaz" i web stranici Univerziteta, www.unmo.ba.